

Inatsisissatut siunnersuummut nassuiaatit

Nalinginnaasumik nassuiaatit1. Aallaqqaasiut

Atassut 1978-imi namminersornerulluni oqartussaanerup eqqunneqarnissaa ukiumik ataatsimik sioqqullugu pilersinneqarpoq, tamatumalu kingorna qinersinerni tamani Inatsisartunut ilaasortaatitaqartarsimalluni. Qinigaaffimmili kingullermi partiip ilaasortaatitai marluusut partiimut allanut nuupput, taamalu qinersinissap nalunaarutigineqarnerani Atassut Inatsisartunut ilaasortaatitaqarunnaarsimalluni.

Tamatuma malitsigaa Inatsisartunut qinersinermut kingullermut qinigassanngortitaqarsinnaasaguni partiip, partiit nutaarluinnarmik pilersinneqarsimasut assigalugit, qinigassanngortitsisunit atsiornernik katersisariaqarsimanagera.

Partiit Inatsisartunut qinersinerni kingullermi Inatsisartunut ilaasortaatitaqalersut qinigassanngortitsisunit atsiornernik katerseqqaaratik qinigassanngortitsisinnaagaluarpummi - kisiannili aatsaat qinersinissap nalunaarutigineqarnerani suli ilaasortaatitaqarunik. Tamanna Kalaallit Nunaanni Inatsisartunut qinersisarneq pillugu inatsisartut inatsisaanni atuuttumi aalajangersakkap ataatsip (§ 11, imm. 1) malitsigaa.

Aalajangersakkap taassuma, ullutsinnut naleqqukkunnaartutut isigineqartup, allanngortinneqarnissaa Inatsisissatut siunnersuutip matuma siunertaraa.

Taamaalilluni siunnersuutikkut qaqugu partiip ingerlaannartumik (tassa qinigassanngortitsisunit atsiornernik katerseqqaartariaqaratik) Inatsisartunut qinersinerni qinigassanngortissinnaaneranut piumasaqaatit allanngortinneqassapput.

Tamatuma kingorna ingerlaannartumik qinigassanngortitsisinnaanermut partiip Inatsisartunut qinersinerni kingullermi Inatsisartunut ilaasortaatitaqalersimanagera suli piumasaqaataassaaq, akerlianillu partiip suli Inatsisartunut ilaasortaatitaqarnissaanik piumasaqaat maannamut atuussimasoq atorunnaarsinneqarluni.

2. Inatsisissatut siunnersuummi immikkoortut pingaernerit

a) Inatsisit atuuttut

Inatsisartunut qinersinermi partiit qinigassanngortitsisinnaanerat pillugu inatsisitigut aalajangersakkat atuuttut Kalaallit Nunaanni Inatsisartunut qinersisarneq pillugu Inatsisartut inatsisaanni nr. 9, 31. oktober 1996-imeersumi (UKA1996/8-p Inatsisartuni oqaluuserineqarnerani akuersissutigineqartutut) aalajangersarneqarsimapput.

Inatsisartut inatsisaat Inatsisartut inatsisaasigut nr. 10, 20. oktober 1998-imeersukkut, nr. 21, 3. december 2012-imeersukkut aamma nr. 2, 31. maj 2018-imeersukkut allanngortinneqartarpoq. Inatsimilli allanngortitsinerit taakku inatsisartut inatsisaanni § 11-p oqaasertalerneqarneranut sunnuteqarnikuunngillat.

Inatsisartut inatsisaanni atuuttumi 11, imm. 1-2-p, malitsigisaannik ullumikkut Inatsisartunut qinersinermi peqataasinnaatitaapput partiit, Inatsisartunut kingullermik qinersineqarmat Inatsisartunut ilaasortaataqalersimasut sulilu ilaasortaataqartut.

Partii nutaaq qinigassanngortitsisinnaatitaavoq qinersineq kingusinnerpaamik sapaatit akunerinik tallimanik sioqquillugu qinersisartunik ikinnerpaamik Inatsisartunut qinersinermi kingullermi taasinerit atorsinnaatitaasut tamavimmik 1/31-iisa nalinginit amerlassuseqartunit Qi-nersinermut Ataatsimiititaliamut nalunaarutigineqartut. Piumasaqaat tamanna isumaqarpoq partiit nutaaq Inatsisartunut qinersinermi qinigassanngortitsisinnaassaguni qinigassanngortitsisunit 1.000-ingajannit atsiornernik katersisariaqassammat.

b) Siunnersuuteqartup isumaliutai

Inatsisartut inatsisaanni atuuttumi partiit ingerlaannartumik qinigassanngortitsisinnaaneranmut piumasaqaatit (§ 11, imm. 1) inatsisartunut qinersisarneq pillugu Inatsisartut inatsisaannit nr. 13, 19. december 1986-imeersumit (§16, imm. 1) ingerlatitseqqiinerupput.

Inatsisartut inatsisaat 1986-imeersoq inatsisartut inatsisigaat siulleq partiimik qinersisinnaanermut qinersisartunik periarfissiisoq, taamaalillunilu aamma peqatigitillugu pisariaqarsimaluni malittarisassanik aalajangersaanissaq piumasaqaatit suut partiip naammassimasariaqarneri qinigassanngortitsisinnaassaguni.

Partiit qinigassanngortitsisinnaanerinut piumasaqaatit pingaarnertut siunertaraat partiit ikinnerpaamik ataatsimik Inatsisartunut ilaasortaataqalernissamut naammattunik qinerneqarnissaminut naatsorsuutigineqarsinnaasut kisimik qinigassanngortitsisinnaanissaasa qularnaarneqarnissaa.

Aalajangersakkap ilusilersorneqarnera piffissamit nunatsinni innuttaasut oqartussaaqataane-rata ineriartornerani partiit suli nutaajunerannit qinigassanngortittullu ataasiakkaat partiinut

attaveqarnerisa pineqartut qinersisartunit tapersersorneqarnerinut pingaaruteqannginnerugal-
larnernit aallaaveqarpoq.

Tamanna erseqqissarniarlugu oqaatigineqarsinnaavoq inatsisartut inatsisaat 1986-imeersoq
sioqqullugu partiimik qinersinissaq ajornavissimammat, taamaallaallu partiinit qinigassan-
ngortittut ataasiakkaat qinerneqarsinnaasimallutik.

Taamaattumik taamanikkut ilimanaateqarnerusimavoq ilaasortat partiimut allamut nuuttut
kingusinnerusukkut qinersinermi ”qinersisiminnik nassarnissaat”, taamalu partiip siusinneru-
sukkut sinniisuuffigisamik ingerlaannarsinnaanissaanut periarfissat annikinnerulersillugit.

Partii ingerlaannarluni qinigassanngortitsisinnaassaguni kingullermik qinersinermi ilaasorta-
titaqalersimaannarani, kisiannili aamma qinersinissap nalunaarutigineqarnerani suli ilaasor-
taatitaqarnissaanik piomasagaat siuliani oqaatigineqartut eqqarsaatigalugit pissusissamisoor-
tutut oqaatigineqarsinnaavoq.

Ullumikkut qinigassanngortittut inuttut pissusii piginnaasaallu qinersisartorpassuarnut suli
annertuumik pingaaruteqarput, partiimulli attaveqarneq inatsisartut inatsisaata 1986-imeersup
akuersissutigineqarneranut sanilliullugu sunniuteqarnerulersimalluni. Partiimiit partiimut al-
lamut nuuttartut taamaattumik Namminersorerullutik Oqartussaanerup ukiuinut siullernut
sanilliullugu partiip qinigaqqinnissamut periarfissaanut pingaannginnerulersimapput.

Kingullermik takuarput Atassut, qinigaaffimmi kingullermi ilaasortaatitat marluk partiimut
allamut nuunnerisigut Inatsisartunut ilaasortaatitaqarunnaartut, tullianik qinersinermi siulianik
qinersinermi taasisimik amerlaqaterluinnaannik (taamalu aamma siulianik qinersinermi
ilaasortaatitamik amerlaqataannik ilaasortaatitaqalerlutik) angusaqartut.

Taamaattumik partiip ingerlaannartumik qinigassanngortitaqarsinnaassaguni kingullermik
qinersinermi ilaasortaatitaqalersimaannarani aamma qinersinissap nalunaarutigineqarnerani
suli ilaasortaatitaqarnissaanik piomasagaat ullutsinnut naleqqukkunnaartutut pisariaqanngit-
sutullu isumaqarnarpoq.

Tamatuma saniatigut ilisimasagut malillugit siullerpaamik ima pisoqarpoq, partii kinguller-
mik qinersinermi Inatsisartunut ilaasortaatitaqalersoq ingerlaannartumik qinigassanngortitsis-
innaanermik annaasaqarmat, partiip ilaasortaatitaasa qinigaaffiup ingerlanerani partiimit
tunuarsimanagerat pissutigalugu, taamalu partii qinersinissap nalunaarutigineqarnerani
Inatsisartunut ilaasortaatitaqarsimanani. Ulluinnarni ingerlaannartumik qinigassanngortitsis-
innaanissamut partiip kingullermik qinersinermi ilaasortaatitaqalersimaannarani kisiannili
aamma suli ilaasortaatitaqarnissaanik piomasagaat qaqutiguinnaq namminerisaminik isu-
maqarsimavoq.

Taamaattorli partii qinigaaffiup ingerlanerani Inatsisartunut ilaasortaatitaarutissagaluarp
immikkut piomasagaat tamanna aamma isumaqarpoq partii tullianik qinersinermi qinigassan-

ngortitsinnaassaguni qinersisartunit 1.000-it missaannit atsiornernik katersisariaqarnera. Taamaalilluni suli ilaasortaatitaqarnissamik piumasaqaatip imaannaangitsumik inissisimaneq – partiip pineqartup Inatsisartuni allaffeqarani, pisortanit partiimut tapiissutisisinnaanani allat-toqarfeqarnikkullu ikiorserneqarsinnaanani - ajornerulersiinnartarpaa.

Atassutip naatsorsuutigingilaa taamaaqataanik inissisimaleqqinnissani, Atassutilli misilitta-gaasa takutippaat partiit qinigassanngortitsisinnaanerannut piumasaqaatit sukumiinerusumik ilusilersorneqarnerat ullutsinnut naleqqukkunnaarlutillu naapertuuttut oqaatigi-neqarsinnaajunnaarsimasut.

Partiit allat qinigaaffimmi kingullermisut Atassutitut inissinnissaat pinngitsoortinniarlugu Atassutip inatsisissatut siunnersuutip matuma saqqummiunneqarnissaa suliassamisut isigi-simavaa.

c) Siunnersuut

Siunnersuutikkut partiip qaqugu ingerlaannartumik (imatut paasillugu qinigassanngortitsisunit atsiornernik katerseqqaarani) Inatsisartunut qinersinermi qinigassanngortitsisinnaaneranut piumasaqaatit allanngortinneqarput.

Taamaalilluni matuma kingorna suli ingerlaannartumik qinigassanngortitsisinnaanermut piumasaqaataassaaq partiip Inatsisartunut qinersinermi kingullermi Inatsisartunut ilaasortaati-taqalersimanissaa, akerlianilli partiip suli Inatsisartunut ilaasortaatitaqarnissaanik piumasaqaat maannamut atuussimasoq atorunnaarsinneqassalluni.

Allannguut sunnuteqartussaavoq partiip Inatsisartunut ilaasortaatitai tamarmik qinigaaffiup ingerlanerani partiimut pineqartumut ilaasortaajunnaarsimappata. Allannguutissatut siunnersuutikkut partii taamatut misigisaqartoq – malittarisassat atuuttut assignagit – ingerlaannartumik qinigassanngortitsisinnaanini attatiinnassavaa.

Qulaani taaneqartut saniatigut siunnersuutikkut inatsisartut inatsisaat nutarterneqarpoq, taamaalilluni inatsisartut inatsisaanni inatsisinut atuukkunnaarsinneqarsimasunut allanillu taarserneqarsimasunut innersuussinerit malitsit iluarsineqartarlutik, taamatullu aamma inatsisartut inatsisaanni taaguutit namminersoneq pillugu inatsimmi taaguutinut naapertuuttun-ngortinneqarlutik.

Kiisalu inatsisissatut siunnersuummi §1, nr. 5-imut nassuiaatini (inatsisartut inatsisaanni § 6, imm. 3, tassani aalajangersarneqarluni nalinginnaasumik qinersisoqassatillugu, taamatullu aamma siusinaartumik qinersisoqassatillugu, ulloq qinersiffissaq Naalakkersuisut siulittasuannit aalajangerneqartassasoq) erseqqissarneqarpoq, aalajangersagaq aporfussanngitsaq ullumik qinersivissamik Inatsisartut aalajangersaasinnaanerannut, qinersinissaq pissappat Inatsisartunut immikkut ittumik qinersinissaq pillugu Inatsisartut inatsisaannik akuersissuteqarnerisigut.

Tamanna inatsisitigut pissutsinut suleriaatsinullu atuuttunut naapertuuppoq, tamatumalu erse-qqissarneqarnissaa taamaallaat siunertarineqarluni.

Inatsisissatut siunnersuut inatsimmut atuuttumut sanilliullugu	
<i>Oqaasertaliussat atuuttut</i>	<i>Inatsisissatut siunnersuut</i>
	<p>§ 1</p> <p>Kalaallit Nunaanni Inatsisartunut qinersisarneq pillugu Inatsisartut inatsisaanni nr. 9, 31. oktober 1996-imeersumi, Inatsisartut inatsisaatigut nr. 10, 20. oktober 1998-imeersukkut, Inatsisartut inatsisaatigut nr. 21, 3. december 2012-imeersukkut aamma Inatsisartut inatsisaatigut nr. 2, 31 maj 2018-imeersukkut allanngortinneqartumi, makku allanngortinneqassapput:</p>
<p>Qulequtaa:</p> <p>Kalaallit Nunaanni Inatsisartunut qinersisarneq pillugu Inatsisartut inatsisaat</p>	<p>-</p> <p>1. <i>Inatsisartut inatsisaata qulequtaa</i> ima oqaasertalerneqassaaq:</p> <p>”Inatsisartunut qinersisarneq pillugu Inatsisartut inatsisaat”.</p>
<p>§ 2, imm. 1:</p> <p>Inuit kinguliini taagorneqartut, Kalaallit Nunaata avataaniikkallartut, taakkulu inooqatitut apparisaat, sumi najugaqarnissamik piumasaaqatip saniatigut § 1-imi piumasarineqartut naammassisimagunikkut, Inatsisartunut qinersisinnaapput:</p> <p>1) [...]</p> <p>2) [...]</p> <p>3) [...]</p> <p>4) Inuit Namminersornerullutik Oqartussanut sinniisuullutik Kalaallit Nunaata avataaniittut.</p> <p>5) [...]</p>	<p>2. § 2, imm. 1, nr. 4, ima oqaasertalerneqassaaq:</p> <p>”4) Inuit Namminersorlulik Oqartussanut sinniisuullutik Kalaallit Nunaata avataaniittut.”</p>

<p>§ 5, oqaaseqatigiit aappaat: Kalaallit Nunaat Inatsisartunut qinersivivoq ataaseq.</p>	<p>3. § 5, oqaatigiit aappaat, qallunaatuaa ima oqaasertalerneqassaaq: ”Grønland udgør 1 Inatsisartutkreds.”</p>
<p>§ 6, imm. 1: Inatsisartunut ilaasortat ukiuni sisamani ilaasortaasussatut qinigaassapput, tamarmillu ataatsikkut tunuassallutik, taamaattorli takuuk § 53.</p>	<p>4. § 6, imm. 1, qallunaatuaa ima oqaasertalerneqassaaq: ”Medlemmerne af Inatsisartut vælges for 4 år, og samtlige medlemmer afgår samtidig, jf. dog § 53.”</p>
<p>§ 6, imm. 3: <i>Imm. 3.</i> Ulloq nalinginnaasumik qinersinissami, taamatullu aamma siusinnerusukkut qinersinissami, qinersiffissaq Naalakkersuisut siulittaasuannit aalajangerneqartassaaq.</p>	<p>5. § 6, imm. 3, ima oqaasertalerneqassaaq: ” <i>Imm. 3.</i> Nalinginnaasumik qinersisoqassatillugu, taamatullu aamma siusinaartumik qinersisoqassatillugu, ulloq qinersivissaq Naalakkersuisut siulittaasuannit aalajangerneqartassaaq.”</p>
<p>§ 9, imm. 4: <i>Imm. 4.</i> Kommunalbestyrelsen inuit imm. 1 naapertorlugu toqqarneqartut qinersinerup ingerlanneqarneranut atatillugu suliaqarnerannut aningaasarsiaqartissavai. Aningaasarsisitsisoqartassaaq kommuninik aqutsineq pillugu Inatsisartut inatsisaanni aalajangersakkat malillugit.</p>	<p>6. § 9, imm. 4, oqaaseqatigiit aappaat, ima oqaasertalerneqassaaq: ”Aningaasarsiaqartitsisoqartassaaq kommuninik aqutsineqartarar pillugu Inatsisartut inatsisaanni malittarisassat malillugit.”</p>
<p>§ 11, imm. 1-2: Inatsisartut qinersinermi peqataasinnaatitaapput partiit, Inatsisartunut kingullermik qinersineqarmat anngullutik Inatsisartuni ilaasortaataqalersimasut sulilu ilaasortaataqartut. Inatsisartunut qinersineqartussanngornerani Inatsisartunut siulittaasup Qinersinermut Ataatsimiititaliamut nalunaarutigisassavaa partiit sorliit piimasaasunik taakkuninnga naammassinnin-</p>	<p>7. § 11, imm. 1-2, ima oqaasertalerneqassapput: ”Partiit Inatsisartunut qinersinermi kingullermi Inatsisartunut ilaasortaataqalersut Inatsisartunut qinersinermi qinigassanngortitsisinnaatitaapput.</p>

<p>nersut.</p> <p><i>Imm. 2.</i> Inatsisartut qinersinermi aammaataaq peqataasinnaatitaapput partiit nutaat, qinersineq kingusinnerpaamik sapaatit akunnerinik tallimanik sioqqullugu qinersisartunik ikinnerpaamik Inatsisartunut qinersinermi kingullermi taasinerit atorsinnaatitaasut tamavimmik 1/31-iisa nalinginit amerlassuseqartunit Qinersinermut Ataatsimiititaliamut nalunaarutigineqartut.</p>	<p><i>Imm. 2.</i> Inatsisartunut qinersinermi qiniggassanngortissinnaatitaapputtaaq partiit nutaat, qinersisartunit Inatsisartunut qinersinermi kingullermi taasinerit atorsinnaatitaasut tamarmiusut ikinnerpaamik 1/31-iinut naapertuuttunik amerlassusilinnit Qinersinermut Ataatsimiititaliamut nalunaarutigineqartut.”</p>
<p>§ 11, imm. 4:</p> <p><i>Imm. 4.</i> Qinersinermut Ataatsimiititaliap partiimik akuerinninnera atuuttassaaq Inatsisartunut qinersereernerup tungaanut, taamaattorli sivikinnerpaamik ukiumi ataatsimi.</p>	<p>8. § 11, imm. 4, qallunaatuaa ima oqaasertalerneqassaaq: ” <i>Stk. 4.</i> Valgnævnets godkendelse af et parti har gyldighed, indtil der har været afholdt valg til Inatsisartut, dog mindst i et år.”</p>
<p>§ 23, imm. 1:</p> <p>Inatsisartunut qinersivik, kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit inatsisartut inatsisaanni § 5 naapertorlugu, kommuninut taasiartorfinnullu aggorneqarsimavoq.</p>	<p>9. § 23, imm. 1, ima oqaasertalerneqassaaq: ”Inatsisartunut qinersivik, kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit inatsisartut inatsisaanni § 6 naapertorlugu, kommuninut taasiartorfinnullu aggorneqarsimavoq.”</p>
<p>§ 26, imm. 1, oqaaseqatigiit aappaat: Pappiarat taasiviit kalaallisut qallunaatullu naqitanik allagartaqassapput: Inatsisartunut qinersineq.</p>	<p>10. § 26, imm. 1, oqaaseqatigiit aappaat, qallunaatuaa ima oqaasertalerneqassaaq: ”Stemmesedlerne skal være påtrykt betegnelsen "valg til Inatsisartut" på grønlandsk og dansk.”</p>
<p>§ 50, imm. 3, oqaaseqatigiit siulliit: Qinersinermut Ataatsimiititaliap Inatsisartunut ilisimatitsissutitut nassiuatissavaa qinersinermik allattaavik immersorsimasani, tassani taaneqarsimassallutik kikkut qinigaa-nersut, aammalu qinersinermut atatillugu suut pisimasut erseqqissumik nassuiaati-</p>	<p>11. § 50, imm. 3, oqaaseqatigiit siulliit, ima oqaasertalerneqassaaq: ”Qinersinermut Ataatsimiititaliap Inatsisartunut ilisimatitsissutitut nassiuatissavaa qinersinermik allattaavik immersorsimasani, tassani taaneqarsimassallutik kikkut qinigaa-simanersut, kiisalu qinersinermut atatillugu</p>

gisimassallugit.	pisimasut sukumiisumik allaaserineqarsimassallutik.”
<p>§ 52: Inatsisartunut qinigaaqqammersut piffissap qinigaaffiup aallartinnerani ikkutissapput, tak. § 6, imm. 2. <i>Imm. 2.</i> Inatsisartunut qinigaaqqammersut aalajangissavaat qinigassanngortitaq pinerluuteqarsimanini pissutigalugu qinikkatut sulisinnaatitaassannginnersoq, takuuk § 4, imm. 1.</p>	<p>12. § 52, <i>imm. 1 aamma 2-mi</i>, qallunaatuuani ”Landsting” allanngortinneqassaaq imaalillugu: ”Inatsisartut”.</p>
<p>§ 54, imm. 1: Qinersinermut ataatsimiititaliamik, Inatsisartut inatsisaanni uani aammalu kommunalbestyrelsinit, nunaqarfinni aqutsisunut ilagiillu sinniisaannut qinersineq pillugu Inatsisartut inatsisaanni aalajangersakkat naapertorlugit Qinersinermut Ataatsimiititaliamut suliasanngortitanik suliarinnittartusamik pilersitsisoqassaaq.</p>	<p>13. § 54, <i>imm. 1</i>, ima oqaasertalerneqassaaq: ”Qinersinermut Ataatsimiititaliamik, Inatsisartut inatsisaanni uani aammalu kommunalbestyrelsinit, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaanni aalajangersakkat naapertorlugit Qinersinermut Ataatsimiititaliamut suliasanngortitanik suliarinnittartusamik pilersitsisoqassaaq.”</p>
	<p>14. Inatsisartut inatsisaata qallunaatuuani tamarmi ”Landsstyret” allanngortinneqassaaq imaalillugu: ”Naalakkersuisut”.</p>
	<p>15. Inatsisartut inatsisaata qallunaatuuani tamarmi ”Landstinget” allanngortinneqassaaq imaalillugu: ”Inatsisartut”.</p>
	<p style="text-align: center;">§ 2</p> <p>Inatsisartut inatsisaat ulloq 1. januar 2019 atuutilerpoq.</p>

3. Pisortanut aningaasatigut allaffissornikkullu kingunerisassai

Inatsisissatut siunnersuutip Namminersorlutik Oqartussanut annerusumik aningaasatigut allaffissornikkulluunniit kinguneqarnissaa naatsorsuutigineqanngilaq.

4. Inuussutissarsiornermut aningaasatigut allaffissornikkullu kingunerisassai

Inatsisissatut siunnersuut inuussutissarsiornermut aningaasatigut allaffissornikkulluunniit kinguneqassanngilaq.

5. Avatangiisinut, pinngortitamut innuttaasullu peqqissusiannut kingunerisassai

Inatsisissatut siunnersuut avatangiisinut pinngortitamullu kinguneqassanngilaq.

6. Innuttaasunut kingunerisassai

Inatsisissatut siunnersuutip malitsigisaanik partii Inatsisartunut qinersinermi kingullermi Inatsisartunut ilaasortaataitaqalersoq qinersinissalli nalunaarutigineqarnerani Inatsisartunut ilaasortaataaarussimasoq, siunissami ingerlaannartumik qinigassanngortitsisinnaassaaq, partiit qinersinissap nalunaarutigineqarnerani suli Inatsisartunut ilaasortaataitaqartut assigalugit.

Taamaalilluni partii taamatut misigisaqarsimasoq qinigassanngortitsisinnaassaguni qinigassanngortitsisunit amerlasuunit atsiornernik katersisariaqassanngilaq, taamalu aamma qinigassanngortitsisinnaanermut piumasaqaatit partiimut nutaamut atuuttut taakku naammassimasariaqassanagit.

Inatsisissatut siunnersuut tamatuma saniatigut innuttaasunut kinguneqassanngilaq.

7. Kingunerisassat pingaarutilit allat

Inatsisissatut siunnersuut Naalagaaffeqatigiinneq imaluunniit namminersorluni oqartussaane-
rup timalersorneqartuarnera eqqarsaatigalugit kinguneqassanngilaq, siunnersuutikkulli inatsisartut inatsisaat ullutsinnut naleqqussarneqassalluni inatsisartut inatsisaanni taaguutit namminersorneq pillugu inatsimmi taaguutinut naapertuuttunngortinneqarnerisigut.

Inatsisissatut siunnersuut taamatuttaaq pingaarutilinnik allanik kinguneqassanngilaq.

8. Oqartussanik suliniaqatigiiffinnillu tusarniaaneq

Inatsisissatut siunnersuutip tusarniaatigineqarnissaa pisariaqartinneqarsimanngilaq, tusarniarneqartussat attuumassuteqartut (partiit Naalakkersuisullu) siunnersuutip Inatsisartuni suliarineqarnerani siunnersuutip oqaaseqarfiginissaanut periarfissaqassammata.

Inatsisissatut siunnersuummi aalajangersakkanut ataasiakkaanut nassuiaatit

§ 1-imut

Nr. 1-imut

Siunnersuutikkut aalajangersagaq namminersorneq pillugu inatsimmi taaguutitut naapertuuttunngortinneqarpoq.

Ukiuni namminersoreruffiusuni nunatsinni inatsisartut qallunaatut "Landstinget"-imik taagorneqarput, namminersorerli pillugu inatsisip atuutilernerata kingorna "Inatsisartut"-nik aamma qallunaatut taagorneqalersimallutik.

Nr. 2-mut

Siunnersuutikkut aalajangersagaq namminersorneq pillugu inatsimmi taaguutitut naapertuuttunngortinneqarpoq.

Nr. 3-mut

Siunnersuutikkut aalajangersagaq namminersorneq pillugu inatsimmi taaguutitut naapertuuttunngortinneqarpoq.

Ukiuni namminersoreruffiusuni nunatsinni inatsisartut qallunaatut "Landstinget"-imik taagorneqarput, namminersorerli pillugu inatsisip atuutilernerata kingorna "Inatsisartut"-nik aamma qallunaatut taagorneqalersimallutik.

Taaguutip allanngortinneqarnera inatsisartut inatsisaata qallunaatuuanuinnaq tunngavoq.

Nr. 4-mut

Siunnersuutikkut aalajangersagaq namminersorneq pillugu inatsimmi taaguutitut naapertuuttunngortinneqarpoq.

Ukiuni namminersoreruffiusuni nunatsinni inatsisartut qallunaatut "Landstinget"-imik taagorneqarput, namminersorerli pillugu inatsisip atuutilernerata kingorna "Inatsisartut"-nik aamma qallunaatut taagorneqalersimallutik.

Taaguutip allanngortinneqarnera inatsisartut inatsisaata qallunaatuuanuinnaq tunngavoq.

Nr. 5-imut

Siunnersuutikkut aalajangersagaq namminersorneq pillugu inatsimmi taaguutitut naapertuuttunngortinneqarpoq.

Ukiuni namminersorneruffiusuni nunatsinni inatsisartut qallunaatut "Landsstyret"-imik taagorneqarput, namminersornerli pillugu inatsisip atuutilernerata kingorna "Naalakkersuisut"-nik aamma qallunaatut taagorneqalersimallutik.

Taaguutip allanngortinneqarnera inatsisartut inatsisaata qallunaatuuanuinnaq tunngavoq.

Siunnersuutip tamatuma saniatigut nassatarissavaa aalajangersakkap kalaallisut oqaasertalerneqarnerata iluarsiivigineqarnissaa.

Aalajangersakkami (inatsisartut inatsisaanni § 6, imm. 3) aalajangersarneqarpoq Inatsisartunut qinersisoqassatillugu ulloq qinersivissaq Naalakkersuisut siulittaasuannit aalajangersarneqasasoq, nalinginnaasumik qinersisoqassatillugu taamatullu aamma tamanna sioqqullugu qinersinissamik nalunaaruteqartoqartillugu.

Inatsisartut Naalakkersuisullu pillugit Inatsisartut inatsisaanni § 26 malillugu Naalakkersuisut siulittaasuut nutaamik qinersisitsisussaavoq qinigaaffiup naannginnerani (nalinginnaasumik qinersineq).

Inatsisartut inatsisaanni tassani § 28 malillugu taamatuttaaq Naalakkersuisut siulittaasuut nutaamik qinersisitsisinnaavoq, Inatsisartut tatiginninnginnermik tunngavilimmik taasitsisinsamik siunnersuutip akuersissutigineratigut Naalakkersuisunik taakkunungaluunniit ilaasortamik atuukkunnaarsitsippata (tassa uppisitsippata).

Pisuni taakkunani marluusuni ulloq qinersivissaq, aalajangersagaq manna naapertorlugu, Inatsisartut Siulittaasuannit aalajangersarneqartassaaq.

Aalajangersagaq aporfussanngilaq ullumik qinersivissamik Inatsisartut aalajangersaasinnaaneranut, qinersinissaq pissappat immikkut ittumik qinersinissaq pillugu Inatsisartut inatsi-saannik Inatsisartut akuersissuteqarnerisigut.

Nr. 6-imut

Siunnersuut inatsisiliornerit allanngortinneqarsimanerisa malitsigisaannik iluarsiiuq:

Kalaallit Nunaanni Inatsisartunut qinersisarneq pillugu Inatsisartut inatsisaanni atuuttumi § 9, imm. 4-mi kommuninik aqutsineq pillugu inatsisartut inatsisaannut, maanna atorunnaarsimasumut kommunillu aqunneqarnerat pillugu Inatsisartut inatsisaannit nr. 29, 17. november 2017-meersumit taarserneqarsimasumut, innersuussineqarpoq.

Nr. 7-imut

Siunnersuutikkut partiip qaqugu ingerlaannartumik (imatut paasillugu qinigassanngortitsisunit atsiornernik katerseqqaarani) Inatsisartunut qinersinermi qinigassanngortitsisinaaneranut piumasagaatit allanngortinneqarput.

Taamaalilluni matuma kingorna suli ingerlaannartumik qinigassanngortitsisinaanermut pi-
umasaqaataassaaq partiip Inatsisartunut qinersinermi kingullermi Inatsisartunut ilaasortaati-
taqalersimanissaa, akerlianilli partiip suli Inatsisartunut ilaasortaatitaqarnissaanik pi-
umasaqaat maannamut atuussimasoq atorunnaarsinneqassalluni.

Allannguut sunniteqartussaavoq partiip Inatsisartunut ilaasortaatitai tamarmik qinigaaffiup
ingerlanerani partiimut pineqartumut ilaasortaajunnaarsimappata. Allannguutissatut siunner-
suutikkut partii taamatut misigisaqartoq – malittarisassat atuuttut assignagit – ingerlaannar-
tumik qinigassanngortitsisinaanini attatiinnassavaa.

Partiip Inatsisartuni suli ilaasortaatitaqarnissaanik pi-umasaqaatip maannamut atuuttup atorun-
naarsinneqarnerata kingunerisaanik, inatsisartut inatsisaanni atuuttumi § 11, imm. 1, oqaase-
qatigiit aappaat, pisariaarutissapput. Tassani aalajangersarneqarpoq qinersinissaq
nalunaarutigineqarpat Inatsisartut Siulittaasuata Qinersinermut Ataatsimiititaliamut
nalunaarutigissagaa ingerlaannaq qinigassanngortitsisinaanermut pi-umasaqaatini partiit
sorliit naammassinissimanersut. Taamaattumik aalajangersagaq ingerlateqqinneqanngilaq.

Ingerlaannartumik qinigassanngortitsisinaanermut pi-umasaqaatit allanngortinneqarnerisa
saniatigit siunnersuutikkut, aalajangersakkat (§ 11, imm. 1-2) namminersornermut inatsimmi
taaguutinut naapertuuttunngortinneqarput.

Ukiuni namminersorneruffiusuni nunatta inatsisartui qallunaatut ”Landstinget”-imik taagor-
neqarput, namminersornerli pillugu inatsisip atuutilernerata kingorna ”Inatsisartut”-nik
taaneqartalertutik.

Taaguutinik allanngortitsineq inatsisartut inatsisaata qallunaatuuanuinnaq tunngavoq.

Nr. 8-mut

Siunnersuutikkut aalajangersagaq namminersorneq pillugu inatsimmi taaguutinut naaper-
tuuttunngortinneqarpoq.

Ukiuni namminersorneruffiusuni nunatsinni inatsisartut qallunaatut ”Landstinget”-imik taa-
gorneqarput, namminersornerli pillugu inatsisip atuutilernerata kingorna ”Inatsisartut”-nik
aamma qallunaatut taagorneqalersimallutik.

Taaguutip allanngortinneqarnera inatsisartut inatsisaata qallunaatuuanuinnaq tunngavoq.

Nr. 9-mut

Siunnersuutikkut aalajangersagaq namminersorneq pillugu inatsimmi taaguutinut naaper-
tuuttunngortinneqarpoq.

Ukiuni namminersorneruffiusuni nunatsinni inatsisartut qallunaatut ”Landstinget”-imik taagorneqarput, namminersornerli pillugu inatsisip atuutilernerata kingorna ”Inatsisartut”-nik aamma qallunaatut taagorneqalersimallutik.

Taaguutip allanngortinneqarnera inatsisartut inatsisaata qallunaatuuanuinnaq tunngavoq.

Siunnersuut taamatuttaaq inatsisiliornerit allanngortinneqarsimanerisa malitsigisaannik iluarsiiineruvoq:

Kalaallit Nunaanni Inatsisartunut qinersisarneq pillugu Inatsisartut inatsisaanni atuuttumi § 23, imm. 1-imi kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit inatsisartut inatsisaanni § 5-imut innersuussisoqarpoq. Inatsisartut inatsisaat maanna atorunnaarsimavoq Inatsisartullu inatsisaannit nr. 27, 28. november 2016-imeersumit taarserneqarluni. Inatsisartut inatsisaanni atuuttumi § 6 inatsisartut inatsisaanni siusinnerusukut atuuttumi § 5 assigaa.

Nr. 10-mut

Siunnersuutikkut aalajangersagaq namminersorneq pillugu inatsimmi taaguutinut naapertuuttunngortinneqarpoq.

Ukiuni namminersorneruffiusuni nunatsinni inatsisartut qallunaatut ”Landstinget”-imik taagorneqarput, namminersornerli pillugu inatsisip atuutilernerata kingorna ”Inatsisartut”-nik aamma qallunaatut taagorneqalersimallutik.

Taaguutip allanngortinneqarnera inatsisartut inatsisaata qallunaatuuanuinnaq tunngavoq.

Nr. 11-mut

Siunnersuutikkut aalajangersagaq namminersorneq pillugu inatsimmi taaguutinut naapertuuttunngortinneqarpoq.

Ukiuni namminersorneruffiusuni nunatsinni inatsisartut qallunaatut ”Landstinget”-imik taagorneqarput, namminersornerli pillugu inatsisip atuutilernerata kingorna ”Inatsisartut”-nik aamma qallunaatut taagorneqalersimallutik.

Taaguutip allanngortinneqarnera inatsisartut inatsisaata qallunaatuuanuinnaq tunngavoq.

Siunnersuutip tamatuma saniatigut nassatarissavaa aalajangersakkap kalaallisut oqaasertalerneqarnerata iluarsiivineqarnissaa.

Nr. 12-imut

Siunnersuutikkut aalajangersakkat namminersorneq pillugu inatsimmi taaguutinut naapertuuttunngortinneqarput.

Ukiuni namminersorneruffiusuni nunatsinni inatsisartut qallunaatut "Landstinget"-imik taagorneqarput, namminersornerli pillugu inatsisip atuutilernerata kingorna "Inatsisartut"-nik aamma qallunaatut taagorneqalersimallutik.

Taaguutip allanngortinneqarnera inatsisartut inatsisaata qallunaatuuanuinnaq tunngavoq.

Nr. 13-imut

Siunnersuut inatsisiliornerit allanngortinneqarsimanerisa malitsigisaannik iluarsiieneruvoq:

Kalaallit Nunaanni Inatsisartunut qinersisarneq pillugu Inatsisartut inatsisaanni atuuttumi § 54, imm. 1-imi kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit inatsisartut inatsisaannut, maanna atorunnaarsimasumut Inatsisartullu inatsisaannit nr. 27, 28. november 2016-imeersumit taarserneqarsimasumut, innersuussisoqarpoq.

Nr. 14-imut

Siunnersuutikkut inatsisartut inatsisaanni aalajangersakkat arlallit namminersorneq pillugu inatsimmi taaguutitut naapertuuttunngortinneqarput.

Ukiuni namminersorneruffiusuni nunatsinni naalakkersuisut qallunaatut "Landsstyret"-imik taagorneqarput, namminersornerli pillugu inatsisip atuutilernerata kingorna "Naalakkersuisut"-nik aamma qallunaatut taagorneqalersimallutik.

Taaguutip allanngortinneqarnera inatsisartut inatsisaata qallunaatuuanuinnaq tunngavoq.

Nr. 15-imut

Siunnersuutikkut inatsisartut inatsisaanni aalajangersakkat arlallit namminersorneq pillugu inatsimmi taaguutitut naapertuuttunngortinneqarput.

Ukiuni namminersorneruffiusuni nunatsinni inatsisartut qallunaatut "Landstinget"-imik taagorneqarput, namminersornerli pillugu inatsisip atuutilernerata kingorna "Inatsisartut"-nik aamma qallunaatut taagorneqalersimallutik.

Taaguutip allanngortinneqarnera inatsisartut inatsisaata qallunaatuuanuinnaq tunngavoq.

§ 2-mut

Inatsisartut inatsisaata ulloq 1. januar 2019 atuutilernissaa siunnersuutigineqarpoq.